

---

DISPUTATIO MEDICA

INAUGURALIS

DE

HÆMATURIA.

---

LIBRARY OF THE

CONGRESS

OF THE UNITED STATES

OF MEDICINE

AND SURGERY

OF THE

OF THE

OF THE



DISPUTATIO MEDICA

INAUGURALIS

DE

HÆMATURIA;

QUAM,

ANNUENTE SUMMO NUMINE,

EX AUCTORITATE REVERENDI ADMODUM VIRI,

D. GEORGII BAIRD, SS. T.P.

ACADEMIÆ EDINBURGENÆ PRÆFECTI;

NECNON

Amplissimi SENATUS ACADEMICI Consensu; et

Nobilissimæ FACULTATIS MEDICÆ Decreto;

Pro Gradu Doctoris,

SUMMISQUE IN MEDICINA HONORIBUS AC PRIVILEGIIS

RITE ET LEGITIME CONSEQUENDIS;

ERUDITORUM EXAMINI SUBJICIT

JOANNES HASTIE,

SCOTUS:

viii. Calend. Jul. hora locoque solitis.

---

“ Si SANGUIS aut pus in urina est, vel vesica vel  
“ renes exulcerati sunt.”

CELS.

---

EDINBURGI:

EXCUDEBANT ADAMUS NEILL ET SOCIJ

---

1806.

DISPUTATIO MEDICA

INAGURALIS

DE

ARTIBUS COCUBITIBUS

ASSISTENTE SUMMO RUMORE

AB CLAUDIUS JUDICIBUS RUMORIBUS

GEORGIUS RUMORIBUS

EVIDENT RUMORIBUS RUMORIBUS

NON RUMORIBUS RUMORIBUS

ASSISTENTE SUMMO RUMORE

INSPECTORIBUS RUMORIBUS

INSPECTORIBUS RUMORIBUS

ASSISTENTE SUMMO RUMORE



WELLCOME

WELLCOME LIBRARY

WELLCOME LIBRARY

WELLCOME LIBRARY

WELLCOME LIBRARY

WELLCOME LIBRARY

WELLCOME LIBRARY

WELLCOME LIBRARY

WELLCOME LIBRARY

1800



VIRO HONORABILI,  
ARCHIBALDO COCKBURN,

SUPREMÆ APUD SCOTOS CURIÆ  
AD LITES FISCALES JUDICANDAS CONSTITUTÆ  
JUDICI;

NON SOLUM INGENII UBERTATE,  
INSIGNIQUE JURIS PRUDENTIA,

VERUM ETIAM  
LITERIS SCIENTIAQUE,  
CONSPICUO;

HOCCE OPUSCULUM,  
QUOD ANIMUM  
BENEFICIORUM NUNQUAM IMMEMOREM  
TESTETUR,

CONSECRAT  
JOANNES HASTIE.

Digitized by the Internet Archive  
in 2020 with funding from  
Wellcome Library



VIRO REVERENDO,  
JACOBO CRIRIE, S. T. D.

INGENIO,

MORUM SUAVITATE,

ET VIRTUTIBUS,

OMNIBUS CARO ET ACCEPTO;

SIBI,

A TENERIS ANNIS

SEMPER AMICO CERTO FIDOQUE;

HASCE STUDIORUM PRIMITIAS,

PIETATIS ET VERECUNDIÆ

TESTIMONIUM PERTENUE,

OFFERT

JOANNES HASTIE.

Dr Ogilvie

with a penman worthy, for  
his happiness from  
his friend & the  
author



# DISPUTATIO MEDICA

## INAUGURALIS

DE

## HÆMATURIA.

---

### PROŒMIUM.

**M** IHI summos medicinæ honores petitulo, in animo est de HÆMATURIA pauca scribere, quæ sint, si non ingenii, industriæ saltem specimen. Hanc materiam ut sumam, magis inductus sum, quia nondùm aliis trita est scriptoribus; quàm quia puto, meis viribus æquam esse, aut confido, me posse, pro magnitudine, exponere.

---

A

Homines



Homines neutiquàm sola animalia sunt, quibus contingit hoc morbo laborare. Bubulum quoque genus afficit \* ; neque rarò clades, quam armentis affert, agricolis spem lucri frustratur. Juvenæ quidem, et vaccæ, tempestivâ aliquandò cura revalescunt; pereunt semper juveni et tauri.

An ullo anni tempore, præ cæteris, homines hunc in morbum incidant, parùm constat. Æstivo autem potissimùm tempore afficitur bubulum genus, ubi caloribus æstuat, et sicciscentibus siccatisve rivulis et fontibus, ipsisque graminibus et herbis arentibus, siti torretur. Memoratu porrò dignum est, alienigenos tunc boves tam huic, quàm aliis morbis, opportuniore esse, quàm indigenas; ideoque, utpote fluxas pecuarias, minoris penderi ab agricolis.

Prudentes igitur agricolæ, ne quâ hujusmodi clade spe destituantur, singulis annis seligunt

---

\* Vid. DAVID. URE. *History of Rutherglen and East Kilbride*, pag. 191.



gunt ex nova armenti prole, quos ad genus conservandum vitulos educant. Aptè VIRGILIUS :

- “ Interà, superat gregibus dum læta juvenus,  
 “ Solve mares : mitte in *Venerem* pecuaria primus,  
 “ Atque aliam ex alià generando suffice prolem.  
 “ Optima quæque dies miseris mortalibus ævi  
 “ Prima fugit : subeunt morbi, tristisque senectus :  
 “ Et labor, et duræ rapit inclementia mortis.  
 “ Semper erunt quorum mutari corpora malis.  
 “ Semper enim refice : ac, ne pòst amissa requiras,  
 “ Anteveni ; et sobolem armento sortire quotan-  
 “ nis \*.”

---

## CAP. I.

### *De sede et signis.*

CUIQUAM partes, quæ urinam secernunt,  
 secretamque transmittunt ex corpore, scienti  
 et

---

\* Vid. P. VIRGIL. *Georgic.* lib. iii.

et consideranti, facilè apparebit, quatuor omninò esse fontes ex quibus emanare possit sanguis, qui cum urina redditur; renes nempè, pertinentesque ab his meatus, vesicam, ductamque hinc fistulam.

Uti sanguis, cum urina redditus, non ex uno omnibus in ægris fonte effluit, ita morbo, quem persequimur, non semper apud auctores idem datur nomen. Sunt, qui morbum tunc tantùm HÆMATURIAM appellant, ubi sanguis, qui cum urina mingitur renibus effluit\*; ubi verò hic ex vesicâ emanat, illum CYSTIRRHAGIAM † nominant, seu VESICÆ HÆMORRHOIDES ‡. SAUVAGESIUS quidem unum tantùm

---

\* Vid. VOGEL. *Gener. Morbor.* gen. xcii.

CULLEN. *Synops. Nosolog. Method.* tom. ii. pag. 170.

† Vid. VOGEL. *Gener. Morbor.* gen. xciii.

‡ Vid. COEL. AURELIAN. *Morbor. Chronicor.* lib. v.



tum genus ponit; sed, uti solet in diversas, pro causarum varietate, species diducit\*.

CULLENUS, quippè qui putet neque HÆMATURIAM neque cystirrhagiam, primum unquam esse morbum, neutram definire aggreditur. Utrasque autem definit VOGELIUS, utpotè a quo primarii morbi, et inter se diversi, habeantur.

Ab hoc auctore HÆMATURIA definitur:  
“ Mictio è renibus cruenta, quæ sanguine  
“ urinæ exquisitè permixto perfunditur, ut  
“ eâ quasi dilutus et tenuis sit sanguis †.”  
Ab eodem sic cystirrhagia: “ Mictio cruenta  
“ è vesica dolorifica, qua sanguis urinam non  
“ æqualiter perfundit, ac, in imo subsidens,  
“ in grumos concrecit; ejus quoque portio  
“ aut

---

\* Vid. SAUVAGES. *Nosolog. Method.* Class. ix.  
Ord. i. gen. v.

† Vid. VOGEL. *Gener. Morbor.* gen. xcii.

“ aut grumus interdum citra urinam exci-  
dit\*.”

Ante cruentam urinam miſtam, aliquid plerumquè doloris aut moleſtiæ eâ in parte ſentitur, ex qua ſanguis effunditur. Aliàs autem, ſenſcente potiffimùm ætate, iisque in morbis, quibus eò inclinant humores ut putreſcant, doloris nihil moleſtiæve morbum prænunciat. Tùm enim ſanguinis præ malo ipſius habitu et tenuitate, aut patulis arteriarum ſurculis laxatis, rubræ particulæ datâ portâ elabuntur, urinamque rubore non ſuo ſuffundunt.

Utî ſanguis qui cum urinâ egeritur, non uno ſemper emanat fonte, ſed modò renum arteriis, aliquandò veſicæ, interdùm urinæ meatuum aut fiſtulæ ; ſic neque ei egeſto coloris ſemper formæque unitas eſt.

Aliquandò excernitur ſanguis, urinæ im-  
miſtus ;

---

\* Vid. VOGEL. *Gener. Morbor.* gen. xciii.



mistus ; et recens, urinam rubore saturiorem, at exsanguem tamen, simulat : neque, dum infrikerit, sanguinemque deposuerit, satîs distingui potest.

Nonnunquàm miçtus cum urina sanguis, vermes mentitur ; qui, licèt iis sit formæ unitas, nequaquàm unicolores sunt. Quippè aliquandò, dum ab exteriori parte subfusci sunt, aut subrubri, sunt ab interiori parte, albidî. Nonnunquàm ab exteriori parte, albidî sunt, dum, ab interiori, subfusci vel subrubri. Neque rarò tam colore, quàm formâ, extinctum ex lucernâ linamentum referunt.

Interdùm sanguis cum urinâ emissus, nequedum vermium similitudinem mentitus, ex urinâ frigescente se dissociat ; deinceps, in imum matulæ delatus, concrevit in grumulos, qui *coffææ* fæces repræsentant.

Cruenta urina, qualem nonnunquàm mingunt *malignâ variolâ* turpati, putridisve febribus laborantes, brevi tempore imputrescit ;  
neque

neque enim verò signum aliud est, ex quo certius cognoscat medicus, ægrum summo in periculo versari.

Cruenta autem urina, etiamsi non putridis morbis efficiatur, ipsa tamen periculosus haud rarò morbus est. Namque, modò diu maneat, vires usquè eò dissolvit et digerit, ut æger hydrope, morbo regio, spirandi difficultate, stomachi defectu et imbecillitate, siti immodicâ, aut quotidianâ remittente, absumatur \*.

## CAP. II.

---

\* Vid. *Edinburgh Medical Essays and Observations*, vol. v. art. lxxii.

SAUVAGES. *Nosolog. Method.* Class. ix. Ord. i. gen. v. spec. 15.



## CAP. II.

*De Causis.*

PROXIMUM est, ut quibus urina causis cruenta efficiatur, pressè investigemus. Has verò, quò magis in aperto sint, haud alienum erit in genera disponere.

Quæ cruentam reddunt urinam causæ, eæ nobis videntur esse, quales aut sanguinem vi-  
tiant ; aut faciant, ut corpus præter salutarem modum sanguine impleatur ; aut renum cola-  
meatusve ex his profectos, vel vesicam, duc-  
tamve hinc fistulam, lædant exulcerentve.

PRIMUM ad GENUS pertinent morbi, qui sanguinem reddunt aptum, qui putrescat, constituentesque cujus partes, soluto tanquàm vinculo, dissociantur.

B

Hujusmodi

Hujusmodi autem sunt *variola confluens* \* ; morbilli putridi † ; scarlatina ‡ ; stomacace ; icterus niger || ; malignæ febres § ; dysenteria maligna ¶ ; sanguis unius animalis in alterius arterias transfusus, ut viciè periculo compertus est DENYSIUS \*\*.

SECUNDO subsunt GENERI nimia ventris obedientia, epulæ opiparæ et lautæ ; vini cerealisque humoris intemperantia ; animi vacuitas,

\* Vid. SYDENHAM. *Oper. Univers.* edit. LUGDUN. BATAV. an. M,DCC,XXVI. pag. 141.—2.

FRIEND. *Epistol. De Purgantibus*, Histor. v.

† Vid. SYDENHAM. *Oper. Univers.* pag. 360, 361, et 362.

‡ Vid. SYDENHAM. *Oper. Univers.* ibid.

|| Vid. MARCEL. DONAT. *Histor. Mirabil.* lib. iv. cap. xxix.

§ Vid. SYDENHAM. *Oper. Univers.* pag. 382.

¶ Vid. SAUVAGES. *Nosolog. Method. Class.* ix. Ord. i. gen. v. spec. 11.

\*\* Vid. SAUVAGES. *Nosolog. Method. Class.* ix. Ord. i. gen. v. spec. 13.



cuitas, corporis ignavia; somnus nimius: solita profluvia suppressa, menses \* nempè, hæmorrhoids †; sanata ulcera vetusta, sanati fonticuli. His accedat alvi pigritia.

TERTIUM ad GENUS spectant renes percussi ‡; in renibus, vel vesicâ, viisve quæ ex iis ducunt, arenula, sabulo, calculi; in vesicâ, fistulâve hinc pertinente, etiam immissa extranea ||; sinuati intestini ulcus in contiguam ei vesicam adhærentemque patens, vomitus gravis; longa equitatio; casus; intemperatus alii usus §: quibus annumerentur vermes, venas, internam in vesicæ tunicam dispersas, rodentes.

Cùm

\* Vid. FRIDERIC. HOFFMAN. *Medicin. Rational.* Systemat. tom. ii. part. ii. cap. vi. obser. i.

† FRIDERIC. HOFFMAN. loc. citat. § 8.

‡ Vid. CELS. *De Medicina*, lib. v. cap. ii.

|| Vid. FRIBND. *De Febris.* Comment. vi.

§ Vid. SAUVAGES. *Nosolog. Method.* Class ix. Ord. i. gen. v. spec. II.

Cùm in vermium mentionem inciderimus, miram cruentæ urinæ verme motæ historiam\*, hîc loci, in compendium conferre, à re nostrâ nequaquàm fore alienum opinamur.

Generosus quinquagenariûs, cui nomini erat THOMAS HUTCHINSIUS, firmissimâ corporis constitutione, prosperâque etiamnùm valetudine, sanguinem cruentam mingere cœpit. Intermissione nullâ, nisi ubi potulenta, si quandò iis sibi copiosiùs indulserat, perlucidam urinam minusve coloratam fecêre eandem ferè sanguinis copiam quotidie reddebat; quam enimvero, quantum observabat, neque exercitatio, neque medicina, neque diæta multùm auxit aut minuit.

Quinque pòst annos, quàm affectus morbo erat, quo primum tempore BARREIUM consuluit, urina subrubro colore satur erat; et, frigescens, deponebat sedimentum rubore saturius

---

\* Vid. *Edinburgh Medical Essays and Observations*, vol. v. art. lxxii.



rius cujusque, post urinam elutriatam, multa pars concreta observabatur. Viginti quatuor horis, præter sanguinem, quem liquatum urina tenebat, duæ ad minimum unciaë subsidebant. Singulis vicibus, ut æger in duo deinceps vasa vitrea mingendo, deinceps, factâ urinarum comparatione, observaverat, ea in primum vas miçta, quàm ea in secundum, satiore rubore erat.

Nunquàm unà cum urina aut calculum, aut sabulum, æger reddiderat; nequedum ei doluerant, aut renes, aut urinæ meatus, aut ejusdem receptaculum, vel fistula. Compluribus frustrà usus medicamentis, et curationis spe destitutus, sicuti morbo deditus, suo ut antea animo morem gerebat. Tres verò ante annos, quàm à BARREIO opem petivit, in febrem incidit, neque tamen hâc urgente, ut certiores hunc postea medicum fecit MAXUELIUS, chirurgus militaris, qui febrienti subveniebat, urina multum variabat.

Exindè verò vires, antehac parum fractæ,  
paulatim

paulatim fatiscebant. Quo primum tempore eum visit BARREIUS aquâ intercute intuebant crura; atque abdomen incipiente tanquam ascite tumidum erat, atque intentum. Flavebant oculi et cutis. Quinetiam motu lassitudinem, spirandique difficultatem, sentiebat æger; omnesque æquè cibos fastidians, perpetuâ siti urgebatur. Arteriæ porrò, similiter atque intermittentis accessione, celerissime, potissimum vespere, movebantur.

Medicus, undè oriretur morbus, inscius, mala, quibus ægrum afficiebat, levare conabatur magis quàm sperabat, ullâ posse medicinâ curare.

Hunc in finem, dato vomitorio, præcepit, ut æger decem submuriatis hydrargyri grana assumeret, et postero mane duas cathartici humoris uncias, quæ alvum purgarent. Unam post hebdomadam, æger assumptis intereà pilulis ex ammoniaco confectis, medicatis aquis, aliisque medicamentis, quibus uti solent calculosi, iterum submuriatem hydrargyri, et  
catharticum



catharticum humorem adhibuit. Postero mane, quartâ ferè horâ, alvus, gravibus primùm torminibus cruciata, ingentem stercoris molem præcipitavit. Conquiescentibus dein verminibus, æger in lectum decubuit, somnumque cepit ad septimam usquè horam; tum experrectus vitreum calicem urinâ colore naturali mingendo implevit, et, paulò ante decimam horam hujusmodi duos. In vitreo, in quem novissimè minxerat, calice, MAXUELLIUS, qui tunc visum, et, quemadmodùm se haberet, percunctatum venerat, aliquid inusitati conspicatus, BARREIUM arcessivit. Hic medicus, eliquatâ urinâ, invenit in calicis fundo vermiculum, unum ampliùs transversum digitum longum; crassitudine anguillæ minimæ æqualem, neque formâ quidem huic absimilem; colore rubrum; et, à caudâ, acuminatum. In scutellam fictilem Sinensem excepti, deinceps leniter lavati, caput, lumina, et circulares fibras, propriis BARREIUS et MAXUELLIUS oculis conspexerunt.

Vermiculo foràs ejecto, tribus hebdomadis  
urina,

urina, alieno rubore suffusa, reddi cessavit. Dein vino chalybe saturato, pilulis ex ammoniaco confectis, et radice amarâ perseverantèr assumptis, habitâque simul idoneâ diætæ ratione, tempore haud longo cætera mala omnia conquieverunt. Revalentibus indies viribus, cujus hominis heracleum vigorem ad infantilem imbecillatem intestinus hostis minuerat, idem, ante unum annum elapsum, amissam valetudinem redeptus est, pristinum robur.

Ad idem causarum genus referenda sunt veneria acria; itemque acria cathartica; necnon cantharides, aliaque acria data, quæ urinam citent\*. His accedat vis lumbis extrinsecùs illata, velut equi calce†.

CONTINENS sanguineæ urinæ CAUSA, quam  
etiam

\* Vid. FRIDERIC. HOFFMAN. *Medicin. Rational. Systemat.* tom. ii. part. ii. cap. vi. § 16.

† Vid. FRIDERIC. HOFFMAN. loc. citat. § 15.  
SAUVAGES. *Nosolog. Method.* Class. ix. Ord. i. gen. v. spec. 14.



etiam PRŌXIMAM medici nuncupant, alia in aliis ægris est, prout aliæ atque aliæ sunt causæ EXCITANTES.

Aliquandò, ut in iis qui malignis morbis urgentur, est malus sanguinis habitus, et patularum arteriarum laxitas. Quaproptèr constituentes illius humoris partes, tanquam vinculo earum soluto, aptiores fiunt, quæ datâ portâ effluant; simulque patulæ arteriæ facilem iis effugiendi occasionem præbent.

Nonnunquàm, ut in iis, qui ex suppressis profluviis cruentam urinam mingunt, causa continens est comparativa arteriarum quæ in renes vel urinæ itinera distribuuntur, plenitudo; propter quam, sanguis, ubi in corpore redundat, ex patulis earum, præ cæteris, surculis elabitur.

Interdùm denique velutî cùm in renibus, partibusve per quas urina hinc perlabitur; calculi, sabulo, arena, vermesve insint, vel vi quâlibet eadem organa detrimentum extrin-

secùs acceperint, proxima cruentæ urinæ causa sunt surculi arteriarum venarumve soluti, erosi ruptive.

---

### CAP. III.

#### *De Diagnosi.*

QUANDO sanguis mingitur urinâ solutus, rubram, at sanguinis tamen expertem, urinam multùm refert.

Oportet igitur medicum scire, quibus notis sanguinea urina ab exsanguis dignoscatur. Ne errorem creet similitudo, debet in memoria tenere, quæ dicturi sumus.

Urina rubra, modò sanguinis experts sit, recens reddita perlucet; cruenta verò non. Illa porrò urina immissa lintea non colorat; tingit autem hæc rubro colore. Quinetiam, quod sedimentum deponit exsanguis rubra  
urina,



urina, idem calefacta ad humani corporis temperiem, resolvit; urina sanguinea non item. Quem denique, sanguinem solutum tenet urina, coit is temperie, quam ducentesima duodecimaque FAHRENHEITIANI *thermometri* nota indicat; nulla autem pars urinæ rubræ, cui nihil sanguinis inest\*.

Cùm sanguis, vermium vel *coffææ* specie, cum urinâ excernatur, nihil erit, quamobrèm de morbo medicus dubitet, notasve requirat, quibus sanguis dignoscatur.

---

#### CAP. IV.

##### *De Signorum Ratione.*

QUOTIES morbus quem persequimur, calculis, sabulone, arenulisve in renibus urinæve viis inhærentibus, aut detrimento quod extrinsecùs

---

\* Vid. CULLEN. *First Lines*, § 1045.

trinsecùs acceperunt hæ partes, oritur, sanguis, ni multùm fallimur, ex parvulis arteriarum surculis effluit. Hujusmodi enim causæ, quippè cùm faciant, ut harum partium arteriæ sanguine supra modum abundant, efficiunt ut hic humor aut patulis arteriarum surculis dilatatis, aut ruptis iis arteriis exiguis quæ solent in conjugas venas desinere, effundatur ; et aut solutus aut concretus, unà cum urinâ exeat.

At verò, cùm morbus ex malo sanguinis habitu nascatur, sanguinem, ut nobis videtur, effundunt patuli arteriarum surculi ; qui aut in renum cola, meatusve qui hinc pertinent, aut in vesicam urinæ, profectamve hinc fistulam, hiant.

Nonnunquàm sanguis redditur, urinâ solutus, neque, dum hæc frigescat, unitas dissolvitur. Tùm forsàn maximè sic mingitur sanguis, cum habitu sanus, ex læsis exiguis arteriis elabatur.

Aliàs



Aliàs autem, dum in receptaculo, stagnat urina, sanguis quo inquinatur, perindè ac venâ emissus, in crassamentum dissociatur et serum; neque multò pòst hoc unà cum illius rubris particulis urinæ innatat, dum reliqua illius pars, gluten nempè, internæ receptaculi tunicæ leviter adhæret. Naturis sic dissitis, ubi ad urinam expellendam receptaculum se, undequaquè osculum versus contrahit, dissociatæ sanguinis partes exprimuntur sic dispositæ, ut in urinæ itinere in vermis, intrinsecùs subrubri, extrinsecùs albi, similitudinem conformentur.

Aliquandò contrà, ob glutinis fortassè parcitatem, sanguinis, dum in urinæ vesica moratur, coloratæ partes intimæ hujus receptaculi tunicæ sese applicant, dum cæteræ urinæ innatant.

Ob hanc in vesica dispositionem, sanguinis vasis effusi partes minguntur sic configuratæ, ut vermem, ab exteriori parte subrubrum, ab interiori albidum mentiantur.

Nonnunquàm

Nonnunquàm, propter pravum forsàn sanguinis habitum, cruor et gluten, soluta eorum unitate in misturâ quâdam, at discreta tamen, per urinæ iter extruduntur, in extincti ex lucernâ linamenti simulacrum conformata.

---

## CAP. V.

### *De Prognosi.*

PRIUSQUAM quâ ratione, et quibus auxiliis, morbus sanetur, exponamus, res poscere videtur, ut, notis attentò animo consideratis, præ-sagire, qualis futurus sit eventus, aggrediamur.

Utì non iisdem semper causis hic morbus oritur, ità non idem semper affert periculum. Qui sivè renibus, meatibusve hinc ductis, sivè vesicâ, profectâve hinc fistulâ, arenulis calculisve exasperatis, sanguinem mingunt, ii, modò



dò his partibus lædentes naturæ alienæ non diù inhæreant, quamvis gravis eos et acerbus dolor brevè urgeat, rarò tamen in periculo versantur.

Neque enimvero ii terreri debent, qui, alienis in urinæ viis inhærentibus irritantibusque nullis, nimiâ arteriarum plenitudine sanguinem mingunt; quippè quibus medicus, exsolutâ tempestivè venâ, alvoque citatâ ductâve, plerumquè remedium parare possit.

Quòd si, ut haud rarò senescentes, seniore confecti, mortales, præ magnâ arteriarum patularum laxitate, sanguinem cum urinâ emittunt, periculum est, neque id leve. Simul enim cum vitali humore vires defluunt; neque semper penes medicum est illius fluxum sistere, hasque reficere.

Longè maximum verò iis mortalibus periculum minitatur cruenta urina, quorum, præ naturali quâdam, et sæpè indomitâ morbi malignitate, humores eò inclinant ut putrescant.

trescant. Hujusmodi enim urina ostendit, eorum non vires modò plurimùm fatiscere, sed quod pejus, ipsum quoque sanguinem tantum jam cepisse vitium quantum obstet, quo minùs medicina proficiat. In putridis igitur morbis pessimum signum est, et modò non semper lethale.

---

## CAP. VI.

### *De Curatione.*

CÆTERIS rei nostræ partibus pro facultate absolutis, nunc opus est, ut exponamus, quibus ægro medicamentis et remediis subveniatur. Hæc cœpti pars, etiamsi loco ultima, re tamen et magnitudine prima est.

Ut aliis alii causis morbum, quem agitamus, nanciscuntur, ità eadem non omnibus æquè convenit medendi curatio. Modò enim viis extranea seu aliena inhærentia expellere, quamque



quamque his intereà moveant irritationem idoneis medicamentis sedare, expediet. Aliàs requiretur, ut id agat medicus, ut sanguinem ex pravo in bonum convertat. Neque sanè rarò opus erit superfluum sanguinem aut solutâ venâ emittere, aut per vias naturales elicere. De tripartitâ sic curatione fusiùs dicere, nobis consilium est.

CURATIO PRIMA.—Qui propter calculos, arenam, aliave quælibet aliena, in renibus inhærentia, vel in viis per quas egeritur secreta urina, sanguinem mingunt, iis auxilia afferre debet medicus, quæ faciant ut inhærentia expellantur, quamque interim excitent irritationem obtundant.

Quò meatus laxentur, et faciliorem alienis inhærentibus exitum præbeant, utile erit, modò sinant vires, sanguinem detrahare; simulque mitioribus laxantibus alvum liquare, vel quod forsan, uti tutius, ità melius, infusis subtèr lotionibus subducere. Salina tamen cathartica, quippe quæ organa, quibus

D

seccernitur

secernitur excerniturque urina nimis stimulent, oleo ricini, mannæ, et his, si qua, naturâ similibus, posthaberi debent.

Eundem in finem, ægro proderit in balneum descendere, in eoque aliquantispër manere, donec summa ubiquè cutis insudet. Hoc enim remedio nihil, ad idoneos, qui alienas naturas irritantes transmittant, urinæ meatus reddendos plùs pollere edocuit usus.

His præmissis, ægro dein permittatur, ut eodem consilio, opium, aut ipsum concretum, in pilulas conformatum, vel tincturæ formâ, assumat.

Intereà, ut mitior fiat urina, minùsque meatus irritet, potui apti erunt humores, qui sanguinem idoneum reddant, ex quo secernatur non solùm mitior urina, sed etiam lenis mucus qui vias illinat.

Hujusmodi autem sunt lactis serum ; aqua  
ex



ex hordeo altheâve decocta; itemque aqua, quâ soluta gummis Arabica est.

CURATIO SECUNDA.—Quoties verò morbus, de quo scribimus, ex malo sanguinis habitu oritur, ægro medicum oportet iis subvenire medicamentis, quæ hunc humorem ex malo in bonum mutant, facientve ut mutetur. Hujus autem generis sunt ea, quotquot obstant, ne eò inclinent humores ut putrescant.

Tali enimvero facultate pollent *cinchonæ* cortex; præparataque quædam ex eo medicamenta; cæteraque amara et astrictoria; acida, tam *sulphuricum* quàm *citricum* et *oxalicum*: vinum, præcipuè rubrum Lusitanum: quibus accedat multus puræ aquæ usus.

Dum horum usu perseveratur, utile erit, modò vires sinant, neque prohibeat dolor, levi quotidie exercitatione uti, utpote quâ valetudo aliquantulùm firmetur, et curatio ad spem magis procedat. Qui verò, ob sanguinis pravitatem, cruorem unà cum urinâ mingunt,

gunt, ii præ debilitate, rarissimè exercitationem ferre possunt.

CURATIO TERTIA.—Siquandò, ut interdùm, morbus, quem persequimur, ex corpore sanguinis ultra modum pleno nascitur, opus erit, ut, incisâ venâ, tantum sanguinis emittatur, quantum vis morbi postulet, ægrotique vires pati posse videantur.

Eodem quoque consilio, idoneum erit alvum oleo ricini, aliisve mitioribus catharticiis, quæ urinæ itinera non irritent, leniter movere. Vel, si medico obvia qua res appareat, quamobrèm alvum ciere parùm commodum opinetur, hanc tamen immissis ex inferiore parte lotionibus subducere, non tutum modò sit, sed et utile.

Quinetiam, cùm suppressis profluviis plentudo corporis orta sit, quæ cruentam urinam mingendo occasionem præbuerit, oportebit eadem, si commodum sit, revocare; sin minus



nūs eorum loco, fonticulos facere, quibus, quod supersit sanguinis, idem dissipetur.

Ne morbus, sic curatus, redundante denuò sanguine revertatur, homo pluris valetudinem, quàm gulam, putare debet ; et, dum ciborum et potuum modicus vivit, commodâ quotidie exercitatione, et idoneo vestitu, id agere, ut quæ ejicienda requirat prospera valetudo, eadem corpore excernantur.











